

西山詩序

德年重裝珍藏
賜錄之題燕



游鹵丛詩



西山詩序

國朝

內務府

天

凡京師百執事朝入公府按簿領退從車騎挾刺而馳九達朔風揚沙或不辨馬色走謁就畢繼以觴讌其或花時帳具郊外奔走填溢日靡鳥次則主賓俱起望塵而歸舍是雖有他勝不暇請焉西山距都城三十餘里浸以玉泉界以渾河偃蹇連蜷而不知其所止遊者非累日之力則不能至而俗所豔賞乃獨在佛刹之嚴飾間嘗過焉皆創自宦寺近其墓田覺浮圖象設本自不殊而刑餘之氣未洗若夫幽泉峻峯前人名蹟可以移情而永

西山詩序

一

日者類不在耳目之間常苦居人無知者何則其俗不尚焉耳是故得至爲難冠蓋之倫非假休沐按圖志益渺然其不可卽也昔康樂爲永嘉守當甌越之衝彼寧獨無簿書鞅掌而於湖山之勝搜奇剔隱至爲俗所驚怪而不顧其詩如赤石石門斤竹澗之類是也今新城兩王先生之官尚書郎也於西山之遊偕觀察東萊宋先生相與俯仰今古遂窮其勝而所至亦各爲詩歌凡若干篇足與康樂方駕矣夫人負勝情玄覽驚世絕俗之標一言之奇排突千古將發天地之藏而假山川之助

誠非局務所得而限抑古今人不相及又何其大不然耶以余頃從山中來出詩以示曰子爲我序余讀未竟而歎曰嗟乎風雅盡在山東矣遂書以復之勾吳嚴繩孫

自居京師二年拳拘彳亍耳目幾廢思得一曠朗之境升高而嘯入林而嬉以稍舒其幽憂抑塞之氣而不可得壬子三月喬子石林約爲西山之遊見夫呀然者山窪然者溪古松怪石縈青繚白之狀紛錯離立相與坐石飲澗聽泉聲淙淙若鳴琴筑得詩十數篇以歸以爲西山之勝幾盡爲我有

西山詩序

二

越二日見濟南兩王先生各出其遊西山詩相示凡爲古今體若干首韋孟之蕭遠杜韓之蒼奧橫見側出與山水爭奇始茫然自媿昨日之遊何草草而詩又何俛俛也自有茲山以來遊而賦詩於此者不知其幾而茲山之名終未能與嵩高泰岱并峙而俱傳者何也昔謝康樂柳子厚遊跡所到雖荒江窮谷一遭披覽林木變色始知山水之傳於天壤間者豈必以其地哉苟遭非其人雖有深巖絕壑幽泉茂樹與糞土蕪沒耳兩先生往在江南時登探險僻無境不至至必賦詩詩傳而地因

以顯則西山之所遭可謂幸矣余學詩于兩先生者久讀此乃更望洋而嘆雖然不敢以不勉廣陵汪懋麟

西山距都城不四十里而近都人士宜日夕吟嘯其間而遊者殊少余考唐世都邑在終南山下其時文人亦不多往豈一被簪紱遂與山水寡緣乎然當時慈恩曲江諸勝俱在畿內公卿遊處隨地而有遇佳辰令節輒賜伎樂讌遊賦詩飲酒爲樂有仕宦之榮得嬉娛之適固不暇遠求几席之外而連鑣賦咏流傳至今蓋遇其時而然今之居乎

西山詩序

三

此而樂焉不暇者余不能知余常上馬出門悵焉無所之望連峰雲氣忽忽神爽飛越三年於茲矣而不果一遊濟南兩王先生於歲之初休沐無事偕萊陽宋觀察載酒披裘冒風雪而往搜奇弔古更倡迭和聯爲大卷歸數日其詩傳播人口踵門求觀者趾相錯乃合謀梓之余久從阮亭先生遊先生命爲序竊歎天壤間名山川獨契於文人才士遇其人則荒陬海澨得一語而顯名至若都會之間冠蓋雜處往往多塵言巷語以爲巖壑辱夫文章山水關於性情苟非其人果不必勞勞遠涉

與其苦吟以貽笑又何如安居華屋飲酒食肉之
爲快耶今西山扶輿蜿蜒結爲神京其中幽眇宏
邃怪奇可喜之境不知凡幾而自三先生之詩觀
之其陂陀崖谷澗溪松柏仙靈猿鶴菌芝虎豹之
屬無不具而隱顯出沒於其間蓋自來作者所未
有宜補諸景物之籍傳盛事於無窮也抑余於此
有慨焉唐之詩人如沈宋輩多遊觀應制之作而
三先生之詩僅被於窮巖絕壑并不能比慈恩曲
江之盛今人之與古人何如乎遇不遇何殊乎然
余南士也家在山邊水際今也泥塗三載望隔垣
外物如海上三山隨潮隱現而不能到又可慨也
夫江上曹禾

西山詩序

遊西山詩

壬子

新城 王士禛 貽上

初春四日休沐往西山道中作

遙山雁齒列遠水魚鱗波朝朝國西門馬上呈嵯
峨却掃閉簾閣幽夢紛跛陀坐羨雲間禽歸飛向
巖阿上春寡人事勝侶時來過望山馬注坂投林
鳥驚羅行行近磊砢清暉一何多豈識絕塞山娟
靜如媼娥禽夏如可期遑復知其他

香山寺月夜

明月出東嶺諸峰方悄然殘雪尙在地掩映西齋

遊西山詩

一

阮

前竹色旣閒靜松陰媚淪漣清暉一相照萬象皆
澄鮮此時憇寂者宵分猶未眠

由磴道上洪光寺二首

磴道入雲端曲折松陰裏秋雨寂無人空山落松
子

又

絕壑霾雲雪惟逢麋鹿羣雲中時梵放下界不相

聞

觀祕魔厓至龍潭作

山行逐藁若徑轉無人迹亭午踰高嶺逍遙隨所

適古寺披荒榛乍到如有獲盧師晏坐處猶存澗
邊石石上留孤松終古不盈尺地僻山鬼隣鳥下
蒼苔積孤閣臨寒溪林壑莽蕭滅灌木紛相糾陰
崕互崩坼何當秋雨時驚湍若潮汐來此十日眠
濯足蛟龍宅

盧師山

盧師昔日經行地惆悵蒼厓古木風最憶深秋飛
瀑下四山寒葉亂流中

晚望翠微寺

澗西翠微寺迢迢翠微裏蒼茫采樵路似有微鐘
遊西山詩

二

阮

起山風冷炊烟斜日亂溪水紛紛飛鳥還行人去
何已

登石景山浮圖絕頂眺望

浮圖茲山頂峻嶒插孤標千盤歷詰曲直上凌風
颺寒空稍明淨百里見纖毫茫茫塞上山浩洶連
波濤渾河盪山來石壁如動搖咫尺居庸關鳥道
迴青霄上谷接雲中設險非一朝 聖代亭障空

丸泥罷函殺關門開落日士馬無矜驕迴身望漁
陽城闕何奈奈薊丘植汶篁遺烈思燕昭望諸與
騎劫智勇皆蓬蒿朔吹揚驚沙屯雲盤怒鵬慷慨

一傷懷覽古心鬱陶逝將御冷風揮手辭塵囂

皇姑寺

皇姑寺前人日晴畏吾村畔草痕生山桃堤柳自
春色粥鼓鐘魚非世情鐵券南宮憐將相黃沙北
狩誤公卿獨慚扣馬輸巾幗天市星文幾夜明

碧雲寺

入寺聞山雨羣峰方夕陽流泉自成響林壑坐生
涼竹覆春前雪花寒劫外香湯休何處是空望碧
雲長

魏忠賢葬衣冠墓宏麗甚慨然有作

遊西山詩

三

阮

恭顯坐中書能死前將軍赤伏盡鈞黨禍始誅李
雲讀史長太息閔彼漢運屯我來西山遊極目多
丘墳何人穿復土雙闕高嶙峋天祿與辟邪夾道
紛錯陳大書復深刻似欲驕千春冢中玉蟾蜍變
化亦有神豈知窮奇骨不得安窰窰牢石與五鹿
彈指隨飈塵嗟哉陽司隸毅魄爲青燐狐貉同一
丘無事勞沾巾松風催落日泥飲當千巡西望咸
陽原石馬嘶荆榛

卧佛寺

清晨越南澗畢景來東林石徑入幽閨稍聞鐘磬

音禪房鴨脚古別院杪羅陰春夕月復佳微雲滅
遙岑山氣自蒼鬱天宇亦森沈道人澹相對松風
灑衣襟夙懷清淨退因識妙明心寂寥無可說請
君張玉琴

晚入退谷却寄吏部侍郎孫公

北海

谷口遠烟暝水石起寒色西溪有歸人東峰隱餘
日積雪封巉巖微徑雪中出殘水流復斷暗泉聽
還失不知荒寒中前峰去安極稍見觳觫牛悵望
歸飛翼侍郎昔掛冠于此散愁疾畫壁滄洲圖有故
友陳路若畫壁結屋雲林側溪南萬竿竹歲久漸蒙密老

遊西山詩

四

阮

僧溪上居風骨亦削戍爲述淨名意更就支公室
慚歎解巾非何年此棲息

退谷見朱錫鬯李武曾潘次耕蔡竹濤題名
時朱在廣陵李在黔南潘蔡在太原

故人消息比何如萬里江湖歲又除山寺到來先
一笑春風石壁見君書

曉起至五華寺尋水盡頭作

退翁亭子蒼崖前五華古寺當其巔殘僧夜雪煨
芋火童子開門尋澗泉石壁空青散雲錦金沙照
曜浮清漣他時把酒蘿陰下風墮巖花烏帽偏

故明景帝廢陵懷古

金山南臨裂帛湖荒陵十里鶴鷄呼奪門事往二
百載行人過此猶歛歔紅墻剝盡古瓦落莓苔溜
雨生銅鋪老松離立色枯槁但穴蟲蟻餘根株葢
塗龍輻禮本殺矧乃劫火經樵蘇咫尺天壽雲氣
接抔土獨葬西山隅洪宣老臣稍凋喪國成一旦
歸刑餘勃鞞之問史所貶詎有宦寺干征誅黃沙
慘澹鼓聲死萬乘一擲成纍俘國有君矣社稷重
孫申謀鄭無差殊白登城南翠華返錢塘司馬功
難誣紛紛南渡議和戰乃知計左非良圖全寅之

遊西山詩

五

阮

占信奇中朝衣東市嗟何辜劒南歸來西內閉唐
家父子輸廢奴處人骨肉事非易子臧季札今則
無功罪千秋有特筆九鼎一髮須人扶謚同泉鳩
理太酷紀年猶幸無革除裁令流水良亦足寧論
玉匣還珠襦欲落不落夕陽下吊古且復留斯須
殘碑滅沒牛礪角石攫橫卧蒼髯鬚君臣一代盡
宿草雍門太息當何如

玉泉

蕭晨金山下濯纓玉泉水十畝清瑤流分明鏡相
似金膏時掩映碧玉相傾委水荇隨風翻靡靡映

清泚垂楊夾碕岸其下多芳芷流爲裂帛湖宛若
昆明裏湖上多漁村網罟集沙尾宣宗昔遊幸龍
舸茲山趾當年功德寺荒涼嘯山鬼何況芙蓉殿
遺跡皆銷毀碧水自東流彌傷人代駛倘逐五湖
舟去問鷓鴣子

西湖雜咏六首

裂帛湖光碧玉環人家終日映潺湲分明一幅蔡
侯紙寫出湖南千萬山

又

淋池十里芰荷風太液西來一派通應有恩波下

遊西山詩

六

阮

黃鵠年年流入建章宮

又

水軒面面似船窓沙燕鷓鴣盡作雙忽憶夢回聞
柁鼓一枝柔艣破烟江

又

宣宗玉殿空山裏簫鼓樓船事已非何似茂陵汾
水上秋風南雁淚沾衣

又

石甕山頭歸片雲望湖亭上倚斜曛紙錢社酒棠
梨道不到湖邊耶律質

又

萬樹垂楊掃綠苔
桃花深映槿籬開
遊人盡說西堤好
須及清明上巳來

附 雨夜東荔裳觀察

官燭冥濛夕
懷君池上樓
玄言誰共宿
青嶂想同遊
今夜山中雨
應添春澗流
那能畏沾濕
遙思屬林丘

東謝方山舍人二首

歷落嶽寄可笑人
朝衫猶自染京塵
深憐謝客吟詩好
莫訝王郎斫地頻
三月鶯花連下杜
廿年車馬感平津
青絲挈酒高粱水
取次東風解禊辰

遊西山詩

七

阮

又

舍人簾閣晝凝香
下直清齋似太常
昨日同尋烟際寺
題詩多在贊公房
晴溪冰雪寒逾好
風磴莓苔滑不妨
騎馬城南春又暮
幾回西笑憶滄浪

清明大佛寺送張素存編修遊西山

好事張公子
皎然瓊樹枝
遙憐寒食過
不負碧山期
白社陶家酒
紅泉謝監詩
芳春不同賞
惓悵對華滋

聞嚴孫友同自曉上人往廣泉寺奉柬并懷

秦留仙太史

不識廣泉寺泉源有路通
羨君成獨往深夜伴支
公澗水聲聞寂林花色相空
九峰歸去客微尚想
能同

遊西口詩

吳門尤乘書
金陵鄧法鐫

八

阮

